

(celebrans ... decr. de die 26. Apr. 1634; 31. Mart. 1703); *Residentia* (Sacerd. alior., decr. 5. Nov. 1620); *Orator. publ.*

Accidente Archiepiscopo ad aliquam parochiale suae dioecesis cum Canonicis suae Cathedr. dignorem locum deberi Canonicis Cathedr. immediate post Archiepiscopum, rectorem vero sedere debere post Canonicos vel e regione Sedis Archiepiscopalnis in scanno, prout sedent Dignitates et Canonic. n. 948 ad 3 et 4 die 14. Febr. 1632.

Ad rectorem Ecclesiae simplicis intra fines alicujus parochiae existentis spectare functiones solemnes. n. 1275 die 6. Oct. 1640.

SS. REDEMPTOR.

1) Obligatio ad Off.

De Congregatione „SS. Redemptoris“ et de ejusdem Officio, vd.: Calendar. Congregat. ss. Redempt.; Color Parament. in festo ss. Redempt. De Ordinandis Congreg. ss. Redempt., vd.: Ordinatio (Titulus).

Ad dubium: 1. an, qui ex apost. Indulto Officium recitant ss. Redempt. dominica 3. Julii sub ritu dupl. 2 cl. cum octava, teneantur illud iterum recitare die 23. Octobris?

2. An illud Officium ommittere debeant die 23. Oct., quum recitaverint dom. 3. Julii?

3. Utrum debeant illud ommittere eadem dom. 3. Julii et recitare die 23. Oct., quo ritu et an cum octava?

S. C. resp.: Officium ss. Redempt. fiat tantum decimo Calend. Novbr. ad formam nuperissimi decreti die 8. Maii currentis anni servato ritu et forma juxta priores particulares concessiones. n. 4663 die 17. Julii 1830.

Pius PP. VI.

Exponi Nobis nuper fecit venerabilis frater Episcopus s. Crucis della Sierra

in Indiis, quod ipse ad magis promovendam utriusque Cleri suae civitatis et dioecesis praedictae devotionem, quae jam viget erga ss. Redemptorem, Officium proprium et Missa ejusdem ss. Redemptoris jam favore civitatis Venetiarum adprobata pro die 20. Julii ad dictum clerum per Nos extendi summopere cupit, Nobis propterea humiliter supplicari fecit, ut sibi in praemissis providere et indulgere de benignitate apostolica dignaremur, Nos igitur dictum exponentem Episcopum specialibus gratiis et favoribus prosequi volentes, hujusmodi supplicationibus inclinati, ut in posterum uterque Clerus dictae civitatis et dioecesis. s. Crucis della Sierra in Indiis Officium proprium et Missam ss. Redemptoris jam pro civitate Venetiarum, ut praefertur, adprobat. pro die 20. Julii, ritu dupli secundae classis absque octava (demptis tamen a sexta lectione secundi nocturni sequentibus verbis: *Hanc igitur immensa largitatis etc.* usque ad finem; atque etiam in una ex feriis sextis quadragesimae vel mensis Martii semel in perpetuum ab eodem Episcopo destinanda ritu dupli maj. Officium cum Missa itidem adprobatum pretiosissimi Sanguinis Domini Nostri Iesu Christi; dummodo in eadem feria sexta non occurrat Officium ritus duplicis, quo casu transferatur Officium pretiosissimi Sanguinis ad primum diem non impeditum juxta rubricas, auctoritate apostolica tenore praesentium concedimus et impertimus.

Datum Romae die 27. Mart. 1787.

(Bull. r. Continuatio t. VIII. p. 9. Ed. Rom. 1843.)

Pius PP. VI.

Quum Venerabilis Frater Episcopus Pacensis, sicut exponi ipse Nobis nuper fecit, vehementer laboret, quo sibi crediti fideles majori in dies pieitate colant unum mediatorem Dei et hominum Christum Jesum, qui dedit redemptionem semetipsum pro omnibus, suasque spes omnes in eo collcent atque in ejus sanguine multo melius clamante quam Abel, Nobis propterea supplicari fecit, ut sibi in praemissis opportune providere et ut

infra indulgere de benignitate apostolica dignaremur.

Nos igitur, quibus hoc studium ejus quam maxime probatur, ipsum specialibus gratiis et favoribus prosequi volentes, supplicationibus ejus nomine humiliter porrectis inclinati, ut post-hac ab universo Clero saeculari necnon a religiosis et monialibus utentibus calendario dioecesano civitatis et dioecesis Pacensis recitari possit quotannis in dominica 3. Julii ritu dupli 2. classis sine octava Officium cum Missa SSmi Redemptoris jam adprobat. pro civitate Venetiarum demptis tamen a sexta lectione verbis illis: *Hanc igitur immensa largitatis etc.* usque ad finem; atque etiam in una ex feriis sextis quadragesimae vel mensis Martii semel in perpetuum ab eodem Episcopo destinanda ritu dupli maj. Officium cum Missa itidem adprobatum pretiosissimi Sanguinis Domini Nostri Iesu Christi; dummodo in eadem feria sexta non occurrat Officium ritus duplicis, quo casu transferatur Officium pretiosissimi Sanguinis ad primum diem non impeditum juxta rubricas, auctoritate apostolica tenore praesentium concedimus et indulgemus.

Datum Romae die 11. Septbr. 1795.

(Bull. r. Continuatio t. IX. p. 566.)

2) Translatio.

De transl. Officii SS. Redemptoris, quando occurrit cum festo Patroni Dioecesis, vd.: Patronus Dioecesis (oblig. ad Offic. deer. n. 4842).

Ad dubium: Domin. 2. post Pascha fit Officium SS. Redemptoris et dom. 3. Patrocinii s. Joseph. Si in has dominicas incideret fest. s. Marci Evang., ss. Ap. Philippi et Jacobi vel Invent. ss. Crucis, quae sunt aequalis ritus, de quonam agendum? Et Officia dominicis affixa possuntne transferri?

S. C. resp.: Agendum de Officio occurrenti et Officia SS. Redemptoris et Patrocinii s. Joseph transferantur, quatenus in Indulto sit facta facultas. n. 4859 ad 12 die 3. Aug. 1839.

REDUCTIO

1) Festorum.

Vd.: *Festum (abrogatio); Vacatio ab operibus.*

Litterae apostolicae in forma Brevis super observantia et reductione festorum pro utriusque Siciliae regno.

Venerabilibus Fratribus Archiepiscopis et Episcopis ac dilectis Filii Ordinariis et Capitulis Ecclesiarum vacantium regni utriusque Siciliae.

Pius PP. VII.

Venerabiles Fratres ac dilecti Filii salutem et apost. benedictionem.

Paternae charitati, qua Christifideles omnes in Domino complectimur, illud maxime consentaneum videtur, ut dum spirituali populorum utilitati prospicimus, temporalibus eorum necessitatibus opportune ac salubriter pro temporum ac locorum ratione providere non recusemus. His igitur de causis propenso excepimus animo preces carissimi in Christo Filii Nostri Ferdinandi regni utriusque Siciliae regis illustris, qui cum a dierum festorum, summa licet sapientia et magna cum animarum utilitate jam in Ecclesia institutorum, in suis citra et trans Pharum ditionibus numero sensim tractu temporis adacto, non levia incommoda quoad subditorum suorum temporalia negotia, praesentium temporum inopia, prodire videat, eis pro suo in subjectos sibi populos studio consulere cupiens, a Nobis flagitavit, ut eosdem a nonnullorum festorum diecum pracepto solutos omnino esse,

lisque diebus laboriosis exercitationibus servilibusque operibus vacare posse, apostolica auctoritate Nostra indulgeamus. Itaque ejusdem regis votis, quantum in Domino possumus, obsequi ac populorum necessitatibus et conscientiae consulere volentes, Vobis, venerabiles Fratres ac dilecti Filii, comittimus et mandamus, ut in praefatis ditionibus, unusquisque in sua dioecesi, novam hanc de festis diebus ac de vigiliis observandis legem, in quam maturo consilio ac perpensis omnibus descendimus, auctoritate Nostra apostolica enunciet ac edicat. Retineantur nempe praeter universos dies dominicos per annum festa sequentia, videlicet: Circumcisionis D. N. J. Chr., Epiphaniae Domini, Purificationis B. V. M., Annunciationis ejusdem B. V. M., s. Joseph Patriarchae, Ascensionis Dom. in coelum, solemnitas Corporis Dom., festum s. Joannis Bapt., s. Apostol. Petri et Pauli, Assumptionis B. M. V. in coelum, Nativitatis ejusdem B. V., Omnitum Sanctorum, Conceptionis B. M. V., Nativitatis D. N. J. Chr. Pro Urbe vero Neapolis tantum retineantur festa s. Januarii *) et Antonii de Padua, ac pro Urbe Panormi festum s. Rosaliae Virginis. Festa autem Patronorum principalium singularum civitatum, oppidorum et locorum, quibus adjunctum sit praeceptum abstinendi ab operibus servilibus, transferantur cum respectiva Officiorum et Missarum celebratione ad proximum diem dominicum, eoque impedito ad diem dominicum proxime sequentem. In praedictis igitur omnibus festis diebus pro veteri Ecclesiae catholico instituto Christifideles Sacris adesse et a servilibus operibus abstinere omnino debebunt.

*) Vd.: *Patronus princip.* (transl., decr. n. 4553 ad 12).

Lex autem *jejunii* in ditionibus citra et trans Pharum praeter Quadragesimam et quatuor anni tempora observabitur in vigiliis Pentecostes, s. Joannis Baptiste, ss. Apostolorum Petri et Pauli, Assumptionis B. V. M., festi Omnitum Sanctorum, Nativitatis D. N. J. Chr., et in universa parte regni trans Pharum in vigilia Conceptionis B. M. V. In reliquis vero festis supra non recensitis non solum laboriosas artium exercitationes et servilia opera permittimus et indulgemus, sed insuper eosdem Christifideles ab obligatione audiendi Missam in praedictis festis et in diebus praecedentibus seu vigiliis jejunandi (dummodo aliunde vel ratione Quadragesimae vel ratione quatuor temporum jejunium non praecipiatur), de apostolicae benignitatis dispensatione absolvimus et liberamus.

Sed quoniam, dum populorum conscientiae consulimus, et eorum, qui in sudore vultus sui panem comedunt, indigentiae providemus, Sanctorum venerationem et salutarem Christifidem poenitentiam minuere non intendimus, ideo Sanctorum ac solemnitatem Officia et Missas tam in iisdem abrogatis festis quam in eorum vigiliis retineri et sicut prius in quacumque Ecclesia celebrari mandamus *). Sacrum vero *jejunium*, quod in praedictis vigiliis et aliis pariter per praesentem abrogatis habebatur, in singulas ferias VI. et Sabbata sacri Adventus transferendum ibidemque

*) Canonis Cathedr. Bituntinae resp. S. C. ad dubium de his verbis: Dispositionem praefatam Brevis apostol. intelligendam esse etiam de chori servitio, ordine et directione ac propterea nihil innovandum esse expresse mandavit, sed tam quoad interessentiam quam quoad ceremonias et solemnitatem eundem servandum ordinem in posterum, qui hucusque servari consuevit, n. 4556 die 18. Octbr. 1818. (Vd. infra decr. n. 4555 ad 1 et 2.)

quotannis servandum edicimus et constituiimus.

Ut autem non solum Clerici et dites homines saeculares, qui etiam diebus non festivis Sacrosanto Missae Sacrificio ac divinis Officiis, quod vehementer cupimus, adesse possunt, sed etiam ii, qui rusticis detenti laboribus Ecclesias diebus tantum festis adeunt, ss. Apostolorum ac Martyrum, quorum solemnitates superius abrogavimus, memoriam servent ac venerentur, volumus ac praecipimus, ut die 29. Junii ultra praecipuam s. Petri et Pauli solemnitatem, etiam aliorum Apostolorum et Martyrum memoria celebretur. Quare die 29. Junii in Calendariis ecclesiast. ita festum inscribendum erit: „ss. Petri et Pauli et Commemoratio omnium ss. Apostolorum ac Martyrum“. ac tam in Officio quam in Missa addentur Commemorationes de Communi Apostolorum et de Cummuni plurimorum Martyrum.

Haec Nos, Venerabiles Fratres ac Dilecti Filii, non minus spiritualem quam temporalem populorum istorum utilitatem intuentes sancienda esse jucundavimus. Plurimum vero in solitudine ac pastorali vigilancia vestra confidimus, vos sedulitate studioque vestro effecturos, ne quid e divino cultu detractum videri possit, sed quo minor festorum dierum factus est numerus, eo major sit in populorum animis pietatis fervor ac devotio. Proinde vehementer cupimus et in Domino Vos hortamur, Venerabiles Fratres ac Dilecti Filii, ut populos spirituali curae vestrae commissos diligenter edocendos curetis, quae ad justam legitimamque dierum festorum celebrationem pertinent, quo ardore queaque spiritus humilitate adstare SSmo altaris Sacrificio, quo studio, qua frequentia divinis Officiis, s. Concionibus et Christianae Doctrinae Institutionibus interesse debeat, et diligentissimam deti

operam, ne per eos dies Christifidelium corda crapula et ebrietate et saecularibus cogitationibus graventur. Quae omnia a pastorali solicitudine Vestra Nobis maxime pollicentes in Pontificiae charitatis pignus apostolicam benedictionem Vobis, venerabiles Fratres ac dilecti Filii, vestraeque fidei commissis populis peramanter impertimur.

Datum Romae apud Sanctam Mariam Majorem sub annulo Piscatoris die 10. Aprilis 1818. Pontificatus Nostri anno decimonono.

H. Card. Consalvus.
n. 4551.

Alterum Breve super eadem re.

Venerabilibus Fratribus Archiepiscopis et Episcopis ac dilectis Filii caeteris Ordinariis regni utriusque Siciliae.

Pius PP. VII.

Venerabiles Fratres ac dilecti Filii salutem et apost. benedictionem.

Per apostolicas in forma Brevis litteras, quas dedimus hoc ipso anno die 10. Aprilis, precibus annuentes carissimi in Christo Filii Nostri Ferdinandi regni utriusque Siciliae regis illustris et Pontificiae auctoritatis benignitate indulsimus quorundam dieum festorum imminutionem, ut populi sub illius regime degentes libere possint per eos dies servilibus operibus vacare, ad temporum, in quibus versamur. inopiam aliquo pacto sublevandam. Cum vero iis nostris literis cautum fuisset, ut festa etiam Patronorum principalium *) singularum civitatum, oppidorum et locorum transferri debeant cum utroque praecepto in proximum diem dominicum, eoque impedito in diem dominicum proxime

*) Vd.: *Patronus* (translatio).

sequentem, postulationes complures ad Nos sunt perlatae, ut festa illa statis, ut in praeterito tempore, diebus celebrari possint, quin memoratae translationi locus fiat. Quae quidem preces nedum vota populorum ostendunt, qui eos ipsos dies majori caeremonia ac religione colere cupiunt, quos majorum pietas vel a priscis temporibus ob ingentia in se collata beneficia coelitus statoribus sospitibusque suis dedicarat, verum ad eas etiam difficultates praecidendas conferre dignoscuntur, quae ex memorata translatione oriri possint, praesertim si festa illa vel Quadragesimae vel Adventus tempore aut anno exeunte occurrant. Quare hisce supplicationibus inclinati indulgemus, ut utriusque Siciliae Antistites, re prius cum suis Capitulis mature perpensa collatisque cum iisdem consiliis, rite ac recte possint festa Patronorum principalium cum utroque praecepto ad praefinitos dies, ut antea, per suarum dioecesum loca retinere, quoties ita in Domino magis expedire censuerint, inspectis populorum locorumque peculiaribus circumstantiis, ne praecipua, quae ad indulsum reductionis et translationis dierum festorum Nos impulit causa, sublevandae nimirum inopiae, suo quandoque frustretur effectu, ea tamen lege, ut, quando res sit de Patronis dioecesum, praeceptum non pretendatur ultra civitatem principalem vel ultra ea loca, quae, cum peculiari Patrono careant, festum Patroni dioecesis ex Rubricarum praescripto pari solemnitate celebrare tenentur *). Quod vero ad dioeceses, loca, quae indulto translationis utentur, si forte dubia quæstionesque oriuntur (quemadmodum jam ex delatis ad Nos precibus orta esse

*) Vd.: *Patronus princip.* (translat., decr. n. 4553 ad 12).

comperimus), de octavis praesertim aliisque Officiis concurrentibus, eadem a C. S. R. diligentibus subjicientur examini, ut, pro casuum diversitate, apostolica auctoritate Nostra opportune consulatur.

Non obstantibus memoratis in forma Brevis literis diei 10. Aprilis, quibus ad premissorum dumtaxat effectum, illis alias in suo robore permansuris derogamus caeterisque contrariai quibuscumque.

Datum Romae apud Sanctam Mariam Majorem sub annulo Piscatoris die 15. Octbr. 1818. Pontificatus Nostri anno decimonono.

H. Card. Consalvus.

n. 4552.

Essendosi coll' ultima Costituzione dei 10. Aprile corrente anno ordinato, che le festi dei Santi Protettori principali de' Luoghi, alle quali era annesso l' obbligo di astenersi dalle opere servili, si trasferiscano con la respectiva celebrazione degli Ufficii e delle Messe al prossimo giorno di domenica, si domanda, se detta traslazione di Officio e Messa si debba intendere: *quoad solemnitatem tantum*, ovvero *ad literam*, cioè, si i Santi Patroni fissati nei giorni propri nel Calendario, debbano fissarsi nei giorni di domenica. Questo importerebbe la riforma del Calendario. Potrebbero restare gli Officii e Messa nel giorno proprio, e poi nella domenica celebrarsi la Messa votiva, coi Vespri, e il rimanente della Solennità. Si chiede sudi ciò uno schiarimento.

Et S. R. C. declaravit: „*Brevis dispositionem accipiendam esse ad literam, videlicet de perpetua translatione festi principalis Patroni, tam quoad Officium et Missam quam quoad extrinsecam solemnitatem, ad dominicam infra octavam, quae habenda erit*

ut dies propria, cum omnibus privilegiis et praerogativis, quibus gaudent festa Patronorum principalium.“

Et ita etc. N. 4555 ad 1 die 18. Oct. 1818.

NOTA GARDELL. AD HOC DECRETUM:

Tam clara est dispositio primi Brevis, ut dubitandi locum non relinquit. En verba indulti: *Festa autem Patronorum principalium transferantur cum respectivis Officiorum et Missarum celebratione ad proximum diem dominicum.* Lex igitur non solam extrinsecam solemnitatem transferendam esse jubet, verum etiam, quaeque ad ecclesiasticum ritum pertinent, peragi mandat. Clarius dicam, vigore indulti festum Patroni principalis celebrandum est in die dominico tamquam in propria sede tam quoad chorum quam quoad forum.

Quae igitur ratio excitandi dubium? Quodsi vota populi requirant, ne festum principalis Patroni amoveatur a sua sede, ac postulent, ut solemniter celebretur ut antea in die propria, poterit Ordinarius uti facultate ei concessa *in posteriori Brevi diei 15. Oct. labantis anni*, servatis tamen conditionibus in illo praescriptis. Quae vero in Calendario contingere poterit singulis annis variatio, non est causa sufficiens declinandi a dispositione *primi Brevis*. Eoque magis, quia variatio hujusmodi tanta non est, quae magnam inferat vel perturbationem vel confusione in Calendario. Nonne multo plures variationes sunt, quae singulis annis fieri debent ob diversum occursum festorum mobilium? —

„Li Canonici di queste Collegiate erano obligati a convenire tutti nei Vespri e Messe cantate, anche nelle feste di un sol preceppo, come degli Apostoli etc. Essendosi ora dette feste coll' ultima concessione sopprese nel

regno di Napoli; si domanda, se siano esonerati dal detto obbligo; tanto più, che il canto è stato istituito per il popolo, il quale non convenendo in dette feste, perchè sopprese, pare che, sopprese le feste, sia stato soppresso anche il canto.

Et S. R. C. declaravit: „*Quoad chorum et ecclesiasticas functiones peragi solitas nihil omnino innovandum, relate ad festa, in quibus populus solitus est a pracepto audiendi Sacrum, et cantus institutus est ad Deum honorandum, non ad populum allicendum; quoad vero festa Patronorum, perpetuo ad diem dominicum translata cum Missa et Officio, translata etiam censemur solemnitas chori.*“

Et ita etc. N. 4555 ad 2 die 18. Oct. 1818.

NOTA GARDELL. AD HOC DECRETUM:

Nec item video, cur hoc dubium excitetur. Clara est primi Brevis dispositio: *Sanctorum et solemnitatum Officia et Missas tam in iisdem abrogatis festis quam in eorum vigiliis retineri sicut prius et in quacunque Ecclesia celebrari mandamus.* Et jure quidem; nam potissima ratio, qua SSmus Dom. N. reductionem festorum pro utriusque Siciliae regno clementer indulsit, ea fuit, ut populorum conscientiae consuleret, et eorum, qui in sudore vultus sui panem comedunt, indigentiae provideret, quae ratio non valet quoad Ecclesiarum onera et chori servitium, nec indultum datum est ad Clericorum commodum. Silentio potius tegenda est, quam excutienda futilis illa ratio, quod cantus intercipiendus sit, quia populus, festis sublati, in Ecclesiam frequens non convenit. Numquid enim cantus in sacris peragendis Officiis inductus est pro adventante populo, et non potius ad honorandum Deum hymnis et canticis?

Sublata equidem sunt festa ad succurrentum populorum ac eorum praesertim, qui ex industria vivunt, egestati et necessitatibus; sed non ideo cessare debent Sacerdotes, Levitae et Clerici, qui ad chorale onus tenentur vel Ecclesiarum servitio sunt addicti, a ecclesiast. Officiis, quae cum cantu aut ex instituto aut ex consuetudine aut ratione festi, quod celebratur, aut ex alia quacumque causa peragi solent.

Feretiana.

Rme D. uti Frater.

Preces amplitudinis Tuae, quibus referebas oppida et loca istius dioecesis ex parte posita intra limites reipublicae olim Cisalpinae ex parte intra limites reipublicae Romanae, pro quibus ad preces respectivi gubernii varia ab hac s. apostolica Sede indulta fuerunt quoad festorum reductionem et jejuniorum observantiam, nunc autem quoniam differentia istiusmodi intra eamdem dioecesim multis incommidis locum praeberet, propterea que ut opportune provideretur summopere expetebas, adeo ut vel una pars alteri cederet quoad eamdem observantiam juxta placitum ejusdem s. Sedis ad uniformitatem obtinendam, licet Summo Pontifici directae fuissent, ad rem facilis et plenius maturo cum examine assequendam a subscripto Secretario in S. R. C. Ordinaria relatae fuerunt.

Et S. eadem C. ad Quirinale sub infrascripta die coadunata, omnibus mature examinatis accurateque libratis, amplitudini Tuae scriendum edxit: ad mentem; mens autem est, ut, quoniam de perspecta Tua fide et integritate plurimum in Domino confidit, examinatis pariter omnibus, pro Tuo arbitrio et prudentia adeo res componas, ut unum vel alterum modum ex concessis a sede apostolica quoad

festorum et jejuniorum observantiam praecipias in universa hac dioecesi Feretiana servandum, quo filius in Domino judicaveris assequuturum eamdem observantiam et uniformitatem.

Et diu felix et incolmis vivas.

Amplitudinis Tuae, Romae 8. Aug. 1835. N. 4759.

Feretiana.

L'attual Vescovo di Monte Feltri con benigno Rescrutto della S. Congreg. de' Riti del giorno 8. prossimo passato Agosto venne autorizzato a togliere la differenza delle feste e vigilie, che ha luogo in quella dioecesi nata dalla diversità de' Dominii, cui la medesima era soggetta, allorchè dalla santa sede fu concessa la riduzione, rimettendo all' arbitrio del Vescovo Oratore l'adottare l'uno o l'altro metodo. Come più gradito alla popolazione avrebbe desiderato uniformarsi all' uso della porzione soggetta allora alla repubblica Romana. Incontrò però due difficoltà; per la prima, resterebbero così soppresso quattro feste di prece, cioè la seconda di Pasqua, di Pentecoste, di Natale e l'ultimo dell'anno, cosa che dispiace a chi le osserva: per la seconda le vigilie dell'Avvento rimarrebbero dispensate dalla stretta osservanza, mentre nella sudetta porzione di dioecesi si gode l'indulto di poter far uso delle Uova e Latticini, quando nell' ultra parte sono vigilie totalmente chiuse. Rendendole tali per tutta la dioecesi, riuscirebbe disgustoso agli altri. A contentare ognuno bramerebbe essere abilitato ad uniformarsi pienamente all' uso vigente, ove comandava la repubblica Romana in quanto alle vigilie e così a ripristinare ancora quella di San Giovanni Battista, che ora non è di prece in ogni luogo, et di lasciare, ove sono in vigore le

nominate quattro feste, col permesso anche di estenderle a tutta la dioecesi, che n'è già contenta. In tali maniera è totta ogni differenza, con reciproca soddisfazione, e perciò il Vescovo Oratore si dirigge all'Eminenza Loro Reverendissime, onde impetrarne l'opportuna autorizzazione. Che ec.

S. R. C. describendum censuit: De speciali gratia juxta preces. N. 4773 die 12, Martii 1836.

Gregorius PP. XVI.

V. Fr. Ep. Hildensi et Osnaburg. Administratori.

Allatae Nobis tuae sunt preces, ex quibus accepimus, uno eodemque festorum ordine istis dioecesis Hildensi et Osnaburgensi praescripto cum facultate quibusdam anni festis diebus opera servilia exercendi per apostolicas fel. rec. Pii VIII. praedecessoris Nostri literas annulo piscatoris obsignatas ac die 13. Aug. superioris anni editas, populi utriusque dioecesis commodum nondum satis consultum videri. Catholicorum enim Hannoveriani regni, qui agricultura fere omnino vicitant, maxime interest ea transferri festa, quae tempore messis occurunt, scilicet ista in regione mensibus Augusti ac Septembris. Et quoniam eo diplomate caetera B. M. V. per annum festa, excepta Assumptione, in dominicas vel proxime superiores vel insequentes translata sunt, ita et illud, quod in id temporis incidit, transferri oporteret. Praeterea quum rec. mem. Leo XII. pariter praedecessor Noster dioecesi Coloniensi similibus apostolicis literis datis die 2. Decembris anni 1828 indulserit, ut festa Nativitatis et Assumptionis B. M. V. in dominicas proximas transferrentur, itemque facultatem tribuerit, qua pauperes illius dioecesis singulis per annum festis, sacro auditu, servilibus

operibus possint vacare, exceptis tamen dominicis ac Nativitatis et Ascensionis Domini omniumque Sanctorum celebritatibus, ita tuis esset in votis eamdem omnino rationem a dioecesis tuae curae commissis esse servandam praeter Purificationis, Annunciationis et Conceptionis B. M. V. festos dies, qui ex universo Ecclesiae more et instituto celebribuntur. Id autem opportunum fieri existimas propterea, quod dioeceses Hannoveriani regni et Coloniensis vicinitatis nexus variisque negotiis arctissime inter se conjunguntur. Atque ut clare aperteque hujusmodi in re omnia se habeant, festorum ordinem, prout sequitur, Nobis exhibendum curasti.

I.

Dies, quibus occurrunt celebranda

1. Festum Circumcisionis.
2. Epiphaniae.
3. Festum Purificationis B. M. V.
4. Festum Annunciationis B. M. V.
5. Festum Paschatis.
6. Fer. 2. Paschatis.
7. Festum Ascensionis.
8. Festum Pentecostes.
9. Fer. 2. Pentecostes.
10. Solemnitas Corporis Christi.
11. Festum ss. Ap. Petri et Pauli.
12. Festum Omnitum Sanctorum.
13. Festum Conceptionis B. M. V.
14. Festum Nativit. D. N. J. Chr.
15. Festum s. Stephani protom.

II.

Transferenda.

1. Festum Nativit. s. Joannis Bapt.
2. Festum Assumptionis B. M. V.
3. Festum Nativit. B. M. V.
4. Festum Dedicationis s. Michaelis Archangeli.
5. Festa ss. Patronorum Ecclesiarum, quibus in locis hueusque celebrata sunt.